

林塘遺稿
乾



林塘遺稿序

詩者天下之至聲而聲人人殊何也綿千百載之久歷千百人之多雪月風花人情物狀前輩操觚者道之已盡而加又風氣局之世代移之則無怪於唐不及漢宋不及唐聲人人殊也晚出而欲追古作者即高馳遠駕上者盛李建安下者亦不出錢劉韋柳間彬彬者固夥失之則或隳於壽陵之匍匐巧者膚立拙者茅靡曷若平其調易其辭無星於模擬無失於性情自名一家言也臻此道者故相國林塘鄭公其人哉清而麗也華而瞻也長於情而不紊於格也永於味而不乖於韻也無劇心鍊腎之勞無牛鬼

蛇神之異自然步驟於元和長慶之際噫其治世之音歟
公生當我 國鴻厯亨泰之日少擢魁科舒翹揚英朝夕
於白虎石渠提衡文柄續接皇華卒邁入陞鼎軸為世之
清鑪大敦享同五福終始令望噫若公者其膺國家文運
而昌者非耶詩詩公之餘事爾自昔以詩名者多草野翳
窮而鮮得於黃扉三事之上故房杜無音甫白擅聲其儷
至竝稱者僅燕許二人若林塘者豈非其匹耶然泗濱之
磬孤竹之管空桑之琴雲和之瑟音非不美也而苟無賞
音者則與折楊混然則有公之詩而得公之時者亦係於
祖宗朝用人之盛猗歟偉哉公之詩若文蓋累帙而止於

壬辰兵火今之存者撫拾於聞見才百之一昆山片玉愈
少而愈寶奚多乎哉公之宅相知樞金公尚容及其弟承
旨尚憲氏繕寫為卷要不佞文弁其首不佞非任也顧念
君實之誦於口久矣且與金公有兄弟之義不敢辭而序
云

天啓二年壬戌端陽東陽申欽敬書

太液賞蓮

禁苑秋景

建章秋晚

臘月望喜雪

初夏閱武

念民飢寒

君臣一心保始終

宣室夜召

訪渭濱

觀水戰

奏請使俞弘回到山海關主事馬維銘贈詩自

上次韻又命館閣諸臣并次以進二首

寒天薄酒莫辭醉

屈沉汨羅

沙鷗

酬唱錄

舟中示都事李元夫

寄都監郎僚

復用前韻謝聽天見和

復用前韻又謝聽天再和

又謝聽天見和

聽天復和又用前韻

次友人韻

泗川舟中次曹正字韻

次監司周景游韻遙奉延安府伯兄案二首

次河西韻贈其子

贈從弟

次蘇齋韻贈安生慶昌

次韻贈宣川守柳德純

途中奉李正郎叔獻二首

次禹性傳韻示益之大人

答人求詩

贈利川守柳德純

燕逢劉秀才與寵索詩書贈

成朔寧守璞席上口占二絕奉示在座諸賢一首

答尹子固卜江臯韻

次韻示李生漢元

金海次魚進士韻

晉州次俞上舍君王

嶺南樓用迎字韻寄凌波堂主人安太古

義州書奉鄭從事季涵

寄林任太守重臣

答友人書二首

沈進士鎮家酒席

書寄尹梧岳別墅

次聽天入直有懷韻

次韻寄申曰年

次士衡韻還報南陽村舍二首

赴京道上寄韓舍人闓二首

次俞參判松塘貞陵即事韻二首

前得雲字韻寄鄭舍人子中又用元韻奉大手吟

契

以新曆送于六子令公無謝昨日枉訪二首

送新曆用前年韻奉習齋吟凡二首

次韻贈李琴翁

聯句

題詩錄

虎溪三笑圖

進士沈錫家壽筵圖

備邊司契軸

兵曹郎官契軸

朴恣之茅齋

寄題泛波亭奉英川宰魯延年

義州柳牧使仲郡別墅圖

永川明遠樓

金吾郎契軸

寄題李進士鮎壽鄉莊

題地理學樓壁

題宋通川拊壽賞心軒

友人村莊

乙亥還甲軸

高參議澄映堂

掌樂院契軸

宋永柔別墅

題辛卯司馬榜會軸

次樂山堂韻上首

題丁巳迎接都監契軸

次韻題寫字官文瑞麟帖上

題補司契軸

韓上舍永禧堂詠

鐵臺西壁契會圖

金吾郎吳軸

海雲臺

月影臺

寄題延安平遠堂

金吾郎吳軸

安城鎮

題中氏葡萄畫屏

題韓仲源短琴

決川

宜寧湖陰叔舊宅

題石介帖

題溫山院

題金吾壁上二首

永柔梨花亭二首

題滕王閣圖

題岳陽樓圖

新寧次徐達城韻

開雲浦

西竺浦

題松溪詩卷

沒雲臺

天城

安骨鎮

豆毛浦

題聞慶縣小樓

題彥陽客舍

題畫

題畫屏八首

嶺南樓又用題字韻

銅雀江邊過李生村墅二首

宋主庵麟壽賃居終南山下因往訪主庵有詩次

其韻

吳胤佐風月堂詠二首

題牧童騎牛圖

遷陵都監契軸

題耆英會圖

東槎錄

出城口號

到坡州疊前韻

次文峯曲城韻

觀海堂為春卿叔題

奉呈景肅令公

次西崖迎春堂夜吟韻

雪夜統軍亭次西崖韻

次梁學官病中偶吟韻

景巖聞諸公登統軍亭有作因用其韻

次梁學官病裡聞三學士雪後登統軍亭追呈之

韻

題梁學官金剛山錄後

次權從事宿安城館用前韻

次鄭從事劍水道中韻

大同江舟中之席而見學士以忌不參有懷

肅川蓮堂

次柳從事安州新院道中韻二首

次鄭從事登曉星嶺韻

登曉星嶺

納清亭

疊前韻答子中吟契并奉諸寮長二首

次權從事新安館閣詔使過山海關韻

無題二首

新安遇雨疊前韻奉三仙僚契

次鄭從事宿林畔館韻

次權從事車輦蟠松韻

次鄭從事車輦道中韻

次權從事宿良策館疊前韻

次鄭從事良策館復用前韻二首

次柳從事箭門道中韻

復疊前韻報子中無東兩僚長

復疊前韻奉諸先生吟凡

依前韻奉子中兼報大手而見蓋五疊二首

次權大手龍灣容館書懷韻

十月初一日乃而見初度小酌龍灣館有標

次而見遊西城用韋詩莊嚴精舍韻

次而見又用韋詩西郊遊曠韻

復次

次前韻

復次

疊前韻奉延慰使令前兼達問禮官

次大手聞詔使到鳳凰城復用聞過山海關韻

次而見對雪復用前韻

次而見迎春堂有懷次李東陽韻

次大手迎春堂病起韻

義順館待詔密雲效演雅體

良策館戲吟奉習齋先生二首

寄柳學士而見

下卷

續接錄

謝陳副使錄示沿途所製二首

次韓正使渡鴨綠江韻

次韓正使渡江遇雪韻

次韓正使良策館韻

次韓正使蟠松韻

次韓正使車輦館道中韻

次韓正使過孝女碑有感韻

次韓正使新安道中韻二首

次韓正使控江亭韻二首

次韓正使百祥樓韻

次韓正使謁箕子墓韻四首

次韓正使快哉亭韻

次韓正使浮碧樓韻

次韓正使練光亭韻

次韓正使渡大同江韻

次韓正使太虛樓韻

次韓正使嘗玉溜泉韻

次韓正使玉溜泉短歌韻

次韓正使吾助川迴瀾石韻

次韓正使宣詔禮成韻

次韓正使出勤政殿門外韻

次韓正使坐慶會樓韻

次韓正使謁宣聖廟韻

次韓正使登漢江樓韻

次韓正使宿大平館用陳諫議韻

次韓正使至日大平館韻

次韓正使重過葱秀山韻

次韓正使齊山亭韻

次韓正使重過迎薰樓用陳諫議韻

次陳副使渡鵑綠江韻

次陳副使曉發義順館韻

次陳副使義州道中韻

次陳副使蟠松亭韻

次陳副使新安館韻

次陳副使迎薰樓對月韻

次陳副使夜雪韻

次陳副使納清亭雪景韻

次陳副使嘉平山行韻

次陳副使夜宿嘉平館韻

次陳副使嘉平館夜坐韻

次陳副使控江亭韻

次陳副使渡清川江韻

次陳副使登百祥樓韻

次陳副使遇雪韻

次陳副使肅寧館韻

次陳副使安定館道中韻

次陳副使安定館述懷韻

次陳副使浮碧樓韻

次陳副使齊安館見月韻

次陳副使登廣遠樓清歡閣韻

次陳副使龍泉道中韻

次陳副使寶山道中韻

次陳副使開城府韻

次陳副使開城道中韻

次陳副使渡臨津江韻

次陳副使坡州道中韻

次陳副使五鼓發碧蹄館韻

次陳副使漢城開詔後韻

次陳副使孤鴈韻

次陳副使宿大平館韻

次陳副使歸途韻

次陳副使國王饑別慕華館韻

次陳副使回程興義館道中韻

次陳副使洞仙館韻

次陳副使回程至黃州韻

次陳副使鷄初鳴韻

次陳副使早起韻

次陳副使回程生陽館道中韻

次陳副使途中有感韻

次陳副使途中見山頭青松韻

奉別韓正使二首

奉別陳副使二首

次黃正使頒詔韻

謝黃正使錄示沿途所製二首

謝王副使錄示沿途所製二首

次王副使宣詔韻二首

次王副使登太平樓韻二首

次王副使識慶會樓韻

次王副使漢江樓韻

奉別黃正使二首

奉別王副使二首

贈別錄

送鄭得之赴端川

送洪德川淵赴任

送洪參判太虛赴京

送鄭立夫赴北兵營

送質正官柳晦夫赴京

次東里翁韻奉送泛翁赴任兩述縣

送尹參判子昂赴京

送洪時可出按嶺南

送洪達可赴京

送李牧使夢應赴晉州二首

送志尹赴關東幕二首

送管押使李汲古二首

追奉湖南方伯沈方叔二首

漢江送人

送贊郎金希閔赴揚口二首

送人出按湖南

送贊郎杓止彥赴平康

送南府尹彥經赴全州五首

追奉黃海方伯崔彥明二首

送李景質赴京

贈丁相國按察北道

送鄭監司淵夫赴嶺南

送李金城碩明

送李德川碩明

送宋應漑令公左降衿川

送朴君沃令公赴滿浦

送同年朴江陵赴任二首

送人西行

送習齋赴安邊

傷悼錄

中廟遷陵挽詞

仁順王后挽詞

尹判書鉉挽

閔文川思容挽

李兵使夢應令公挽

潘城府院君挽

金舍人天宇挽二首

友人挽

李承旨忠綽挽

申駱峯挽二首

宋僉知之翰挽二首

李察判澤挽

宋三宰純挽二首

白四宰仁傑挽

任林川重臣挽

挽洪祥原以坤二首

尚相國震挽三首

禹判官仁秀挽

曹處士植挽二首

哭弟慶元二首

李判書潤慶挽

弟婦挽

李一齋挽二首

李判官文殷挽二首

金判相鎰挽

金參判繼輝挽二首

申牛峯津挽

退溪挽詞二首

金相國克成挽二首

方外錄

次吏部朴尚書思菴韻題山人性真軸

贈道禪長老

報恩寺題僧軸

贈一見上人

題山人卷

次人韻題雄上人軸

山人性鑑軸

次默齋韻題雪清詩卷

題僧軸

贈清溪山僧

贈華藏僧

山人軸

山人玄機軸二首

山人軸

山人軸次姜克誠韻

山人玉寶詩軸

龍宮鄉會席上題僧軸

贈重興寺山人性峻三首

題山人軸

題山人軸

題竺長老卷

山人惟政卷

山人信默軸

次願庵韻題戒元軸

送法蓮遊山題其軸

山人智浩軸二首

山人軸三首

送學祥比丘次思菴韻

題圓上人卷

題山人性雲軸二首

題山人軸

題鑑上人卷

題山人軸

重興寺僧赴福川索書題寄報恩宰

次韻題山人軸

題山人軸

題灝上人卷

題然上人卷二首

湖舍奉次叔父韻題真上人卷三首

題山人軸

題山人玄宗卷

題仁上人軸

題山人雪淳軸

越一年又題二首

題山人軸

有僧自坡州持聽松詩來索句

山人信豈軸二首

題山人軸

為春卿叔題默師卷二首

嶺南遇舊識山人二首

山人信性軸

山人卯熙軸

題山人卷

贈山人

題山人軸

僧軸

天磨僧性熙軸

贈山人

遙奉惠勤長老於觀音坊

題僧軸

題僧軸

題見上人卷

再次海翁題山人愛政軸

題山人敬王軸

次樂山韻書戒悅詩卷

題僧軸

題雄上人卷

雜吟錄

思子墓

未央宮柳詞

彈琴

詠猿

燕達雨中旅陳

教民戰

賜答棘城

獨樂堂春帖

家養野鶴送于蓮堂

與王宣諸僚期會蕩春堂因雨不至

燈夕陪勝母次金希問韻二首

無題

夢齋亭春帖三首

忘題

謾書中學案面

嶺南行館值雨

晉州書齋值立春三首

謾題書燈三首

久雨

別柳枝詞

玉河館記夢

蓮娥帖八首

留黃州

贈金海妓

七夕

綉枕和兒作

表箋

擬禮曹請撰東國名臣言行錄箋

議政府賀重修景福宮箋

擬本國諸頒降大明會典表

謝賜几杖箋

文

壬午年皇華集序

陶靖節集序

題僧軸小序

信川郡守金侯墓碣銘并序

引儀李公墓碣銘并序

林塘遺稿上

應製錄

西京圖

西京素稱佳麗地檀下真人始都此中間千載太師來八
條遺風井田址平生夢想今見之十幅金屏開邈迤緬思
割據互吞吐樂浪既畢安東始經營未免罄歲舟統三為
一歸麗氏年年巡幸春復秋長樂宮花大同水前王遊豫
後嗣荒坐令金甌完又毀終然神器歸有德 聖祖陶甄
無遠邇回環襟帶作雄鎮排置官司許分委上通中國走
神京日夕紛紛冠蓋至裁松十里映官津畫船簫鼓披羅

綺吳中形勝粉堞橫抗城樓閣青烟起綾羅錦繡最明媚
牧丹峯高窮俯視練光橫占快哉清風月遙添挹灝峙款
歸臨浦管閑愁浮碧倚空專四美經過不獨東方人品題
亦有皇華使城西普通絮飛飛折柳人看灞橋似奇蹤共
說東明王古迹宜尋永明寺麟超石在歲月深鳳去臺空
雲樹靡興亡無跡水東流富貴有第名不死前朝寺剝烟
雨中聖代衣冠歌吹裏吾王報本無不至四時苾芬
隆孝思中官內相騎聯翩命視殿宇如親履餘事龍
胝模寫歸風物森然呈玉几巖巒增秀水增麗似為
重瞳一顧喜崔滋作賦務誇張權近題詩撮實理爭如

授出宸衷點畫一一團衆史淋漓元氣聚於斯百里湖
山歸一指微臣領略有餘趣恍然身在長安里治由同道
亂同事古今興亡趨一軌山河雖美不在險天命靡常焉
足恃願將此畫存鑑戒永華鴻圖期不圯

完山圖

禁苑深深白日靜萬機有暇開瓊筵平明承召近耿光
展畫命製完山篇臣初感激心眼驚百里湖山迷後前
徐觀領略若有獲了了指下咸羅穿龍盤鬱鬱看王氣遠
樹歷歷分晴川干戈幾經蠻觸際雨露今在桑麻邊當初
墮域無定主皇天孰厚惟親賢羅翻濟覆互吞吐統合竟

屬操鷄拳渚思大王去邠日定是天下宗周年山川醞靈
生聖祖九五龍飛應半千南陽近親定孰存沛中父老
猶欣然至今天表儼遺像闕殿草木埋香烟千張文字
藏有閣一亭梅月寒無眠拱北星辰斗極遠濟南花竹清
陰連縈回流水快心底縹緲萬景層雲巔山河不異風景
殊昔為戰場今原田春風籬落樂耕桑秋月樓臺調管絃
太平民物太平象圖中恰見華胥天畫工畫形不盡心入
情苦樂憑誰傳我願君王念在茲永與萬世期無愁

夢得良弼

乾坤交泰玄功遂君相相資帝業昌調得陰陽歸化育

成治理至馨香贊歌故事空超電殂監殘刑痛迫床分內
遭逢元不易夢中歡會孰能當勲名歷數先賢傳恭默遙
思古哲王荒野邈來承小乙丕基恢覆企成湯垂衣世遠
時難理訪道人稀俗未康思得異才要共位欲開賢路庶
無方意通天地相為一誠貫神明暫可忘天上久聞虛列
宿人間俄識降空桑割烹要世真非願眷鍾謀身是所藏
九闕深嚴徂晝夜一心清淨極齋莊初如儼伯遺塵世却
似分明近玉皇色是敷腴垂眷顧資惟賢哲佑殷商禽魚
行裡求風範版築聲中見日章爰立在朝寧有右耜來為
樂正無失憂勤舊意咨朝夕啓沃新謨入肺腸信手鹽梅

調覺旨盡情霖雨澤難量重興舊業光逾顯趾義先王祚
益長誰遣淳風成薄俗謾勞滛思繞高唐才生一代寧願
借夢斷千秋最可傷商洛烟霞遺綺季桐江風月老嚴光
經綸蔑蔑成由巖壑刀筆時時到廟堂心上未能開寶鑑眼
前那得掃飛糠循資議勝賢人屈適俗安多古道止山野
豈徒迷輔佐朝廷元不識忠良千年側席逢神聖一世
垂紳總激昂幾憶賢能勞睿想盡煩勳舊列巖廊林間
志士荷衣碧澤畔羈臣鬢髮蒼如欲得人須篤念願教洪
業永無疆

一一三見青鍾

五百年間際遇隆
君臣情志默相同
頻趨紫禁通仙籍
三見青鍾荷
聖衷翠露亭前
參曲宴瑞蕊臺上
待重瞳
秋風又入蓬萊境
樂事重逢宰執叢
白蟻光浮初泛濫
青天影落竟虛空
玻璃淨色澄明碧
琥珀濃香漱灑紅
弱量
豈堪當大器
異恩終是逮微躬
薰濃浹骨非因酒
名寵
道人有底功
負重蚊虻雖瑣力
向陽葵藿尚孤忠
愚臣貪
戀真堪笑
願入年年此會中

銀臺賜酒

文昌拱帝隣
天極華省居中近
紫宸西掖烟霞元
隔世東
臺風日本無塵周
分內史
孫華秩漢置尚書
號近臣官是

時殊錐異制地因人重務精論宮中刻漏傳晨箭頭上星
河向北辰纈佩雲深迷步武泛鑪香動惹衣中龍顏曲荷
三時接鸞詔頻裁五色新聖代推恩宣酒日紫薇無事
對花晨九天閭闔曾翹首十載風雲枉致身報荅聖明
無寸效鳳池虛養一窮鱗

獨樂園課試

西洛歸來辨勝園鬢毛猶帶舊憂痕江山風月留孤賞花
竹琴書共一軒物理探來皆有得世情看去欲無言晚年
起蒼蒼生望獨樂園中衆樂存

向日葵花

落盡羣芳送晚晴。蜀葵新艷照軒楹。臘乍遇薰風破紅。
傘長隨白日傾。北海孤臣回望眼。西山義士罄深情。生采
衛足瑤階上一寸丹心倍覺明。

太液賞蓮

禁池新漲染晴光。千柄芙蓉拂檻長。暫許神龜巢翠葉。絕
憐金粉墮紅房。自矜標格邀雙鷺。羞把儀容比六郎。君子
獲名真不忝。好將馨德近君王。

禁苑秋景

仙仗纔臨旭日明。九天雲霧捲新晴。微霜染樹初成錦。寒
露催花故作英。共荷仁恩同覆載。不知身世在蓬瀛。徘徊

木火正統
三
何莫說前朝事喜看詞臣頌太平

建章秋晚

西風初作十分涼濃淡秋光滿建章玉砌露寒衰草色御溝風動敗荷香三清曠遠明朝旭雙革分張拂曉霜每幸不才忝近侍百年唯祝戒遊荒

臘月望喜雪

寒到嘉平勢折綿始看滕六弄機權來牟繫望民情渴蒼苗生花禁樹鮮紅幻麒麟爐撥火白添鵲月當天梁園授簡非才思空祝年年大有年

初夏閱武

安危一念在包桑郭外 親臨閱武場健鶻橫空看突騎
老猿伸臂盡穿楊鵠邊嫩葉風披綠 鞏路殘花馬蹴香
盛代幸今邊候靜莫教文武有偏張

念民飢寒

風雪蕭蕭歲向闌荒年民物苦凋殘罌缸已罄催科急衣
褐無完卒歲難 玉食當前猶憫餓貂裘御煖却思寒周
家荒政無捐瘠祇在寧王一念寬

君臣一心保始終

生值昌期戴 聖明向來 恩遇荷推誠同心祇是求賢
德直道終須保令名千載雲龍相得日百年松檜後凋情

乘軒老鶴知無用唯解長鳴賀太平

宣室夜召

卯金三葉屬文明天資真人啓太平已許風流歸篤厚孰
言清淨近刑名作興周世無遺士恭默殷宗有至誠天上
思賢翻起慶澤邊聞命喜承榮緬思夜氣清人骨仍想齋
居協聖情長樂昏鐘迷九闕未央清漏報三更悠悠風露
將深冷落落星河欲半傾虛佇向來思至道昭融今幸動
宸精談邊已識天顏喜燭下欣逢衣繡明未覺前身乖際
遇却教神理吐崢嶸萍蓬舊迹真如夢魚水新歡亦可驚
謫遠前時堪白髮席前何事捨蒼生恩光振古應無敵皮

裏于今正可評自是君臣深托契豈容勲業強求成聖朝
約法三章足才子治安一策輕積德自能興禮樂傷時何
用好紛更一生肌骨淪恩澤千載風雲際泰亨經席有時
三夜接俊髦披腹幾人呈願將堯舜陳丹極玉燭年年照
玉京

訪渭濱

生晚唐虞不可逢我身方在百罹中岐山幸聽祥禽噉銅
柱猶看虐焰烘慕德何人行就日傷時有客看如蓬思賢
久渴蒼生望訪隱先尋渭水東泉石中間開異境禽魚行
裡着閑翁避人蹤迹天涯迫養老歸來世運通蒼壁萬重

環古屋綠筠千畝凜寒叢初驚白髮真如鶴旋喜冥心酷
似鴻芳餌誰戒千里樂直釣虛釣一江風非關玩世成肥
遯祇是忘機任固窮話為壽時侵落日氣綠舒憤吐長虹
士生天地非虛授君子行箴要不同洗耳箕泉長絕俗釋
耕莘野好收功世相忘處人誰歟善可無來道益隆殷代
流風今象箸夏家崇飲在瓊宮傷時孰抱匡時策拯世要
須蓋世雄西伯仁聲聞遠近南來風化洽岐豐招邀禮重
應三聘寤寐誠深自古公正合濟川仍作楫莫教懷寶竟
逸空山青水白磻溪路行屐歸時月掛弓

觀水戰

南訛新景屬舒長江閣薰風送晚涼要習龍驤防外侮豈
將星駕玩時康絮絮行仗渾無着鷺犯句陳亦不妨十里
湖山動 恩澤蔚藍非復舊時蒼

奏請使俞泓回到山海關主事馬維銘贈詩自 上
親製次韻又 命館閣諸臣并次以進二首

列聖膺新慶諸神感至誠天心無愛惡人力久經營喜報
簷間鵲歌傳谷口鸛東方正倫紀應是佑賢明

謗舌除簧口 皇衷鑑血誠恩從天北極詩在國西營海
月生新蚌城陰護亂鷺丁年奉使地回首日華明

寒天薄酒莫辭醉

紫禁通仙籍黃封出
九宮煖寒須臘味
浹骨自春風至
漏傳聲急金蓮吐
焰紅歸來託妻子
恩澤詠歌中

屈沉汨羅

重華已遠王風熄
直道多為枉道侵
荅伯幾傷周雅戒離
騷還見楚臣吟
系連顓頊為苗裔
身降庚寅作國琛
世屬披猖行桀徑
誰將君父導堯欽
乾坤俯仰悲時事
秦楚兵戈亂日尋
三戶擬扶竿氏業
才腸空繞史魚忱
蘭成雜佩幽香襲
天許孤忠白日臨
懷符瑾瑜辭混濁
敢同舖啜効浮沉
荃心數化都忘鑒
黃口交鋒漸鑠金
日月流行時易失
芳華零落恨難任
扶桑曉挹朝曦出
天極時按北斗斟

八表遊來神怳怳故都懷處淚滔滔周容未合人間度
憔悴寧披澤畔襟畢命孤生悲往日懷沙一語撼湘淪鴻毛
擬去身彌小魚腹藏來怨益深天送悲風號浪沫雲拖靈
雨泣篁林千年幽恨消無口萬里蒼梧故作陰誰遣流風
成競渡解教飽飯屬遺黔魚龍惹恨回深夜楓挂含愁鬱
遠岑絲服遊觀非解事清流造托是知音時逢契合無多
得病到膏肓不可鍼教斥江潭元不恠致膏銹鍼是何心
昏庸覆國寧須數明聖知人亦未謚投老長沙留賈傅在
時直諫死韓歆君臣落落成秦越天地悠悠變古今盛
化幸逢重午節薰風先八五絃琴言從萋斐要歸正人得

梅鹽會作霖屈子有知思欲遇懷王無道愧難禁仁恩短
處應須擴聽納偏時更可箴未有名言酬 聖德十年空
戴侍臣簪

沙鷗

烟波一帶楚江秋點點飛鷗落晚洲紅蓼岸邊閑泛泛白
沙江畔竟悠悠朝雲綠水甘棲息蘆月蘋花任去留落日
割烟靄玉翅斜陽蹴水掠清流生涯浩蕩芳洲靜身世翔
翔曲渚幽雪羽穿霞凌翠巘霜毛橫碧拂漁舟忘機靜浴
平波濶得趣閑眠細草柔來往競隨沙岸戲浮沉爭逐晚
潮遊茫茫碧海孤形遠渺渺青空斷影浮雲外誰張網客

網天涯何施弋人謀
梳翎每占沙堤上
刷翮長依古渡頭
長嘴獨呼清夜月
寒聲幾斷暮江樓
相親相近成群樂
閑去閑來得自由
笑殺蒼鷹留絆綫
傲他鸚鵡見籠囚
鳥能適意閑無累
人自貪功志未休
欲把釣竿因謝世
綠簑烟雨伴沙鷗

THE

[illegible]

酬唱錄

舟中示都事李元夫

扁舟搖曳下清灘
卸馬新辭道路難
停棹不妨茶臼鳥
捲篷聊許納青山
兩年原濕全無興
一日滄浪始解顏
安得從茲泝雲漢
與君同歷斗牛間

寄都監郎僚

大平迎接壺同時
珍重常懸卯酉期
在世空縉老病死
生年應值斗牛箕
簪邊白髮那須整
節後黃花巧耐遲
遙想寒廳同坐處
南山蒼翠入新詩

復用前韻謝聽天見和

平生愛客鄭當時琴裡何緣遇子期
眼似張華容射斗氣留元鎮謝騎箕
清時報效憂民切晚路踈慵致政遲
暮下投章傳閣下老夫真箇喜吟詩

復用前韻又謝聽天再和

雅響吟成鎖直時暗驚才思奪佳期
尚書瘦態翻疑鶴列宿高名可駕箕
辭命自慙賢子產郊原宜看老樊遲
知公擬鼓陽春調一曲我洋薦小詩

又謝聽天見和

白首無能玷盛時只緣恩寵誤歸期
早知到底長遭齒悔不從前學隱箕
北極自憐清夢熟西廂空憶漏聲

逢老年心事無人會先八吾公數句詩

聽天復和又用前韻

謔笑從教不八時愛君名行托襟期琴思流水秋彈月丈
憶虹光夜貫箕顛倒奉公心博小委蛇退食出常遲懸知
贊化餘閑在細和前人錦瑟詩

次友人韻

星動薇垣荷索詩清篇仍許老夫知三峯蒼翠當窓見二
子文章特地奇枯槁漸成南郭隱勒回剛被北山移朋春
好趁梨花發散策溪頭一袖隨

泗川舟中次曹正字韻

泗州城下舊龍堆
秋入雲山活盡閒
風勢乍教船俯仰
日光遙接浪翻回
身依南斗將通漢
節過重陽怯把杯
民瘼未蘇空傳食
邑人休道使華來

次監司周景游韻遙奉延安府伯兄案二首

召伯來棠下文翁滯海間
極知由主聖莫道際時艱
白

屋心常繫丹墀夢不閑
鴻恩報未了何日可歸山

故國西連海孤城北倚樓
空聞玄晏病未試李膺舟
紅葉千山暮黃花一笑秋
相思有去鴈目斷碧雲隈

次河西韻贈其子

河西者有子洛下慰離愁
雲樹人千里幽明歲六周
韻追

陶靖節賢比薛居州絃斷今誰續山高才有流

贈從弟

謝事緣身病怡神適野居老梅侵戶外幽澗吼庭除五馬
曾留愛三掾自有餘浮生閑是足何用佩銅魚

次蘇齋韻贈安生慶昌

鵲嶺青松遠龍灣赤日斜一年同作客千里苦思家授簡
音塵斷逋詩歲月賒重逢漢水畔白首眼昏花

次韻贈宣川守柳德純

十里湖堤路偏宜信馬過魚遊明鏡裡人在水仙家地比
東吳勝才方謝朓多龍泉誰解劇空憶晉張華

途中書奉李正郎叔獻二首

臨津江上一茅堂舉世爭傳李正郎
聖代何曾傲軒冕
濯纓高興在滄浪

衰年按節病侵凌便道乘潮到
厚陵一棹未能相訪去
海天無際水如綾

次禹性傳韻示益之大人

當階躑躅晚舒紅童子能來賦一叢
從此應令乃翁喜好
將詩禮紹家風

答人求詩

花殘雪色映窓紗
凡案朝朝手自摩
秋月三彎開一句詩

家通久老來多

贈利川守柳德純

南川形勝比宣城銀鯽肥時鴨綠平太守為官似蘇老傍
湖隨處倚空明

燕途劉秀才與寵索詩書贈

少習偏方老未通多君儒術紹家風學參說苑應須富詩
法長城不待工雅韻默存文字裡客情深慰道途中青雲
得路知無日好泛仙槎到海東

成朔寧守瑛席上口占二絕奉示在座諸賢二首

華堂會客雜紅裙歷歷笙歌醉裡聞太史今宵有底奏嚴

家星象動乾文

白雲深鎖洞門賒城市還藏大隱家
歲暮卜隣客我老小
溪南畔路橫斜

荅尹子固卜江皋韻

散卜林立不着椽
龍津始覺有前緣
江山題品吾差熟
擬向秋風泊小船

次韻示李生漢元

惜春晨起鳥聲中
滿院蒼苔點點紅
搔首世間無限事
鬢絲輕颺一軒風

金海次魚進士韻

燒燭東軒坐夜深老年顏面少時心團樂三十年前事忘却吾生到海濤

晉州次俞上舍君玉

相看言語忘先勲話本滋多意未終三十年間幾人在君如老鶴我成翁

嶺南樓用迎字韻寄凌波堂主人安太古

忘年契裡關邀迎傾蓋高標潑眼明跡似仙禽多野態詩如流水溢閑情任將白髮沉州縣聞道青雲半死生不分南鄉徐孺揭津樓無地聽江聲

義州書奉鄭從事季涵

咫尺城南隔杳茫
細簾空對月蒼蒼
夜深不寐沉吟久
晉吏爭稱病佐郎

次韻寄申同年

愛公珍重惜公多
老去文章益決河
蝸室屢空存至樂
韶華依舊養天和
人懷青眼翻如夢
舟泊蒼江別有波
他日城南倘蒙訪
一軒相對兩翁皤

次士衡韻還報南陽村舍二首

夜月南村夢
秋風洛下燈
相思不相見
雲樹晚層層
白髮吾先得
青雲子後登
窮通不早定
萬里會搏鵬

赴京道上寄韓舍人詩二首

東坡郵館促行裝默想君居隔一岡
北地幾消前歲月西州又閱兩炎涼
髮因久別今千丈書為相思各數行
萬里星槎歸早晚臨津八月泛秋光

無金行橐俶輕裝跋馬今朝又陟岡
老眼看花真隔霧詩腸遇茗自生涼
身如附驥蠅千里思逐隨陽鴈一行
欲取羊裘供釣澤鄉人無乃作嚴光
來書求羊皮衣故戲之

次俞叅判松塘 貞陵即事韻二首

久作居山計聊憑匠事看烟霞醫痼疾
泉石助清寒自覺塵囂息都忘世路難
彎環小溪曲輸與宦情闌

人生有何繫到處便成家歲月安危轉
乾坤感慨多蒼顏

老子病白雪丈人歌相對忘言久薰然協太和

前得雲字韻寄鄭舍人子中又用元韻奉大手吟契
巷無車馬葉堆門寂寞何人問子雲鄴架謾多真惱我董
帷長下最憐君燈排金粟秋涼見松作江濤夜靜聞幾日
太常齋罷了天涯樽酒細論文

以新曆送于太手令公無謝昨日枉訪一首

陽生已覺年華近歲暮驚看曆日新想得野橋晴更暖小
梅消息一分春

鍾鳴無日不趨班退食燒香亦當閑逢着故人詩滿腹便
教烟景到南山

送新曆用前年韻奉習齋吟几二首

潛陽動處梅先暖
官曆頒時歲又新
消得一年三百日
衰顏何地可逢春

南廂瀑直倦隨班
刻漏聲中吏牒閑
笑殺吳蚕自纏繞
明年思放白香山

次韻贈李琴翁

舊歲饒歡謔
今年足別離
經心關外路
弄筆嶠南詩
白雪春堪鼓
青牛老未騎
我洋有誰聽
花月莫令虧

龍灣聯句

衰年寡儔侶
絕域共登臨
林塘綠漲愁
江濶紅殘怕
日沉

思菴輕舟纔脫險缺月已重陰林塘晚泊蘆花岸微風自

爽襟思菴

題詠

虎溪三笑圖

香爐峯入我家屏半壁雲烟迷遠眺芒鞋竹杖是何人開
口呀呀宛相肖山中遠公瘦鶴姿久向風塵頭已掉飄然
陶陸雙鵠忘形久已期同調尋真不憚道路遠過歸豈
知山蹊峭霏霏談屑落雲間竭來肝膽還相照行行且話
不覺勞十里歸程初未料從前不渡虎溪水底事肯來如
赴召翻然相顧一拍手碧山秋日俄西曜微微餘響散巖
谷林花莞爾山禽叫泠泠溪水本無情山靈有知應添笑
誰將好事落人間龍眠老筆煩相要江中捉月至樂存俗

客紛紛空自吊臨流洗耳有高超自是洗心非洗竅九人
見外不見內笑中深味知者少龍鍾樂山不歸山泉石膏
盲猶未療無緣喚我做四笑俯仰宇宙成長嘯

進士沈鎬家壽筵圖

毋岳隆然西郭外尚書宅占山之麓留祥貺祉貽子壻鴈
齒連簷繞喬木朝中誰是備達尊世上唯公俱五福時維
乙丑九月九壽席開張敞華屋雲疊瀲灩雜盤菜霜葉離
披媚堦菊拒寒濟濟鳳將雛謝氏盈盈蘭比玉軒車朝退
忽臨筵粲然一笑歡意足借問相公年幾何白髮蒼顏七
十六稱觴長幼迭為壽盛事云云傳婢僕人間容易辦仙

境恍惚三山五天竺汾陽富貴領諸孫萬石門闌攢繡轂
未聞當日幻丹青赫赫竒觀在人目風流司馬我所愛雅
尚徧於孝友篤永將難老奉千春更圖不朽傳數幅林塘
居士永感人展盡臨文再三讀無窮長泣蓼莪詩有斐空
詠淇園竹留題惡語不足珍為寄雲仍嗣敦睦

備邊司契軸

三方辨敵古來危群策籌邊為立司座上公卿收遠略幕
中龍虎選雄姿幸當烽火平安日同是湖山燕集時珍重
軍功要勿喜契成將作太平基

兵曹郎官契軸

一一龍門點額餘得波猶勝曳泥初閣廳禮法嚴程度爽
案風稜擁簿言要使湖山輸燕集剌教囹圄報空虛荒詞
敢侈金蘭契只覺吟邊鬢髮疎

寄題李進士鮐壽鄉莊

寥寥風月一千年下界今無李謫仙故構小堂臨絕岸浪
吟芳草與晴川漁歌落日清潭上牧笛西風斷壠前安得
與君同脫屣水雲長伴白鷗眠

題地理學樓壁

瞻星臺北禁園西迢遶危樓俯鵲栖特地綠陰經雨密偶
然黃鳥向人啼千重樹入雲邊盡萬疊山橫脚底低舊識

青鳥多秘法卜居猶得近天倪

題宋通川拊壽賞心軒

君家雪景淨無塵恍惚瑤臺一訪真
刻畫林巒回作障陶鎔世界盡成銀
空中燈燭尋常爛臘後烟花次第春
何限奔忙不如意此間閑殺賞心人

友人村莊

海曲莊成去就輕狂將泡幻事虛名
綠牆巨竹雲間碧傲臘寒梅雪裡明
腰為老頑那用折興隨潮汐有時生
無田如我空拘繫白首何由與適情

乙亥還甲契軸

庚兄庚弟鴈行風
甲子還時擬作翁
湯餅舊辰惡一歲
壽星新彩照群公
青衿紫綬雖差別
白髮蒼顏約略同
除却人間一餉樂
更謀交契九原中

高叅議澄映堂

耽閑學士倦塵埃
退食南山一迳開
巖壑隨緣架房屋
起居無處不池臺
尋源別澗花浮水
看瀑遙蹊筱印苔
最愛東臯近天上
夜邀明月共徘徊

掌樂院契軸

雲門響絕碧梧枝
韶護餘風在聖時
叅得量衡精譜訣
分成二六隸埴篴
偃麾手熟天神格
調拍聲高衆樂隨
一

任官曹同氣味却須爭唱感恩詞

宋永柔別墅

時情物態兩難傳通豈由人塞亦天客宦前身疑夢寐罷
歸新興屬林泉西臺遠翠閑吟裡南岸清風倦釣邊白首
如吾迷進退角巾相訪定何年

題辛卯司馬榜會軸丁丑秋

高堂綺席值秋晴夜飲厭厭欲五更白髮猶存舊時態清
樽細話昔年情殘生到處無佳況勝事逢來荷大平二百
人今幾箇在畫中贏得八仙名其日座客八人

次樂山堂韻二首

海歸心十二時北望何如南望苦前人已矣後人悲縱逢
雲起今難望白首於吾淚自垂永禧之先來自中國居于南土故云
題銀臺西壁契會圖

城南尺五挺英姿分掌絲綸到鳳池自是並隣常並馬可
憐同德又同司門魚啓鑰晨光早漏箭傳虛晝刻遲賓理
芳名留宇宙此間那用老夫詩西壁三首同在崇禮門外故云

金吾郎契軸

鵬程壯志徘徊晚虎閱英聲顧盼初思入平反窮案牘義
行參讞本詩書無微故事休多取莫樂新知豈暗疎一日
清遊天借便好風吹送白芙蓉

海雲臺

蓬萊名勝海雲臺
仙去臺空我輩來
鳥外烟波千里濶
鰲頭世界半空開
乘風破浪人何處
捉月騎鯨客不回
白首衰翁似遼鶴
暮天斜日獨低徊

月影臺

南來原隰屬駟馳
月影臺邊日影移
黃鶴白雲秋色遠
碧峯蒼海暮帆遲
登仙歲久尋來晚
斷碣苔荒記者誰
安得銀蟾出霄漢
暫邀芝蓋話心期

寄題延安平遠堂

榛莽新開宇
窓櫺穩稱心
湖山入几席
風月伴登臨
落鴈

斜成字游魚出聽琴官居日無事空費戀君吟

金吾郎契軸

點額龍門阻登途虎閣夷湖山修契日囹圄屬虛時酒發
何家法花明白藕池風流未可泯留與後人知

安城鏡雲亭

原隰殘春盡池亭勝集開窓虛面水闌樹密倚雲裁舞鶴
侵賓座飛花落酒杯浮生一餉樂欲去更低徊

題申氏葡萄畫屏

閨裡東陽秀林中異域珍神凝造化妙筆奪叢生真密葉
斜侵雨濃房絕可人文園方病渴起首漢宮春

題韓仲源短琴韓即贅郎而是清源尉之胤

也是高麗物猶含太古音王孫有故態爨下覓良琴華屋
春長滿虛簷月獨臨我泮六絃上誰識主人心

琴後仍題贅語溪泠泠而石碎松瑟瑟而風傳寄
幽情於宇宙見皓月之中天

陝川

曉發江陽館行行草運賒平沙並江路落葉擁山坡身老
無知已天寒有宿病鄉關不可越吟望在天涯

宜寧湖陰叔舊宅二首

飽閱南中勝華堂更一過山朋秋染繡江淨綠牽羅世事

詞漁父行藏八棹歌風光似漢曲歸興杳烟波

謝世陶朱子耽湖賀季真名通四海大身老一丘貧白鳥
驚行蓋烏衣訝主人無緣陪杖屨搖落暮江濱

題石介詩帖二首礪城尉家歌姬

夢賚元為水月隣兩翁分占一江春君家奏樂吾家聽絕
勝屠門大嚼人

花無根蒂月無痕白髮追思舊酒樽莫漫行雲空自過為
予低唱感君恩

題溫山院

冷泉繞過又溫山夾路秋花照客顏回首三峯猶在眼不

堪瞻望五雲間

題金吾壁上二首

顛倒趨衙退亦忙
笑談難得一逢場
堪憐檻外池塘好
出水新荷細送香

人間何地不奔忙
到處心閑是道場
端坐小窓無一事
隔牆風送白蓮香

永柔梨花亭二首

輕風剪剪透征衣
寒食殊方客未歸
笑殺天公忘節物
梨花亭畔雪花飛

落花風雨古人詩
花到今年巧耐遲
直至開時應有月
箇

中春色子規知

題滕王閣圖

霞鶯依然秋水空
南昌移畫小堂中
拓枝銅鼓知何限
獨想王郎半帆風

題岳陽樓圖

冲融元氣集毫芒
吳楚山川繞岳陽
廊廟江湖俱未著
夢隨回老過蒼茫

新寧次徐達城韻

千挺脩篁一曲溪
小簷閑送夕陽低
羈魂已似南飛鳥
莫遣栖鴉最後啼

開雲浦

羅王當日舊開雲使節千年又點軍
豎盡牙旗橫遠颺海風微動水生紋

西生浦

槿花黃竹繞山城十里幽蹊曲折行
最是西生烽候靜夜窓宜聽海濤聲

題松溪詩卷

世路機關暗自驚人間何地可逃名
南鄉又與詩翁話除却東風不世情

沒雲臺

沒雲臺上夜踟躕星斗闌
千燭鬢影須極目扶桑三萬里彩
雲深處翥金烏

天城

長林枳棘是天城控扼襟喉
帽虜情息盡鯨波千萬里卧
聞清角報殘更

安骨鎮

凌兢馬足度山礫安骨城邊
日欲西曉駕龍驤向加德海
天凝滑碧玻璃

豆毛浦

衰年節制少威稜到處烏皮
只自想萬里長風來不盡眼

前驚見雪山崩

題聞慶縣小樓

山映虹邊日泉通竹下池飛雲度檻去知我要新詩

題彥陽客舍

千里觀風客三年視草人白頭猶未死貪賞紫薇春

題畫

點空南去鴈浮碧北來舟捲網投漁店蘆花細雨秋

題畫屏八首

斗覺塵囂遠長教身世閑銀河九天落知是在廬山石鏡瀑
好去清江使憐君曳尾時王孫豈望報終始慎森龜石放龜

欲識浮生事須看玉局新基殘不知去誰是瀾柯人在觀其
世外絕塵夢山中歸草廬竹深無客到看盡古人書
大釣元來直清潭不受塵一絲扶九鼎休道漫垂綸
海曲餐糧日朝中晏寢辰那知麟閣盡然是孤遣人
松外青天月人間謫降仙相逢兩莫違舉酒不知眠
老去心中趣生來膝上桐我澤知者在正合奏南風
嶺南樓又用題字韻

望海堂裡昔留題紅樹蒼烟翡翠啼寶瑟殘江月滿纖
歌翻盡竹枝低憑將畫燭消秋夜慣對青娥聽曉鷄人事
十年今已老不堪回首暮雲西

銅雀江邊過李生村野二首

平生一念是歸田為訪孤村借榻眠
寂歷踈籬通澗谷盤回小迤出林邊
當窗農話侵新月到曉鶻聲透冷烟
珍重名區客卜築老來同占一江天

清江楓落鴈初飛歲暮窮村換授衣
別浦雲深人去遠寒杯日落鳥歸稀
閑同清節開荒逕病似相如掩小扉
要與主人成好約扁舟終老釣魚磯

宋圭蒼麟壽賃居終南山下因往訪圭蒼有詩次之

韻

衙罷歸來喜索居一庭林月正扶踈
朝陽已覺鳴祥鳳大

壑還須縱巨魚松蓋當門能逐客竹窓留雪好看書孤舟
不盡山陰興絕磴雲梯擬跨虛

吳淞佐風月堂詠二首

一曲村莊敵輞川桂花朋處御冷然折肱世事雙眉皺脫
手詩篇萬口傳未向雲間摩逸翮却從林下送殘年邇來
尚厭振衣問便學邊韶懶用眠

名場却步敢圖前心似高僧息萬緣陶寫幽懷憑酒力牢
籠佳景賴詩篇元多舊疾唯須藥自有清風不用錢幸遇
知音絃更續貯筒恥向迹相傳此句或疑誤傳

題牧童騎牛圖

背上穩如舟舟行人自由長天元是笠何用挽清流

童謠
第笠

溪水
故云

遷陵都監契軸

西山 陵寢受千春十九年來省就新冥道尚生因古典
赤心敦匠有諸臣拓城涕淚窮泉壤蘭契風流播搢紳

他時分聚散畫中相對舊情親

題耆英會圖

清時憂國鬢添華晚境同朝柰老何尚齒香山差可學圖
形洛社轉堪誇青雲歧路遊將遍白髮光陰得最多解道
富公留警語感 思新曲倚微醺

Table with 10 columns and 10 rows of text.

東槎錄

出城口號

面承綸綍下層空自愧虛名誤三公未把黃花酬令節徒
將白髮犯秋風離亭別酒辭浮蟻客路斜陽遡亂鴉迢迢
關河一千里先聲已到鴨江東

到坡州疊前韻

寒灰昨夜暈寒空山木騷騷十八公已向黃昏登險路那
堪苦雨繼終風崩奔馬駭乘槎客牢落人如度塞鴻夜宿
坡山愁鬱悵喜聞晴月出林東

次文峯碧蹄館韻文峯鄭惟一號時為從事

北極承綸日關西落木初顛風吹度嶺密雨夜連墟野迥
披昏莽川明倒碧虛十年香案吏山鬼敢窺予

臨津舟中次文峯韻

晨催征馬拂晴天晚棹輕舟截碧川日湧金盤山自媚潮
排銀屋海相連經秋却恠容顏變攬舊潛驚歲月遷倚柱
微吟動遐想白雲搖曳度航船

到金郊氣甚不平復用前韻

老病歸田計又空生來無策及檀公浮雲屢變難成質枯
木中虛易受風翰墨交酬人似玉關山同越馬如鴻諸君
肥我寧須藥自賀如今道在東

過猪灘憩葱秀山夜宿安城館

山轉林迴路欲窮
烟嵐初捲日高春
灘聲似雨疑雷
鷺橋影非雲亦化龍
許使清篇傳玉溜
董仙遺碣入苔封
侵宵始到安城館
却問東邊月上峯

翠屏山道中又用前韻

坐常臨澗起行空
忙裡清狂誤賀公
霞彩乍迷沉嶺日
穀紋微散度溪風
身經海畔崎嶇路
目送天涯滅沒鴻
王事有程期不息
啼鴉休傍暮林東

安城館道中次文峯韻

小輜安穩擬禪龕
歷歷溪山在處諳
斜渡短橋臨古鏡
暮

吹清角破輕嵐茅君奕世參仙錄
房琯今生憶舊庵細酌
流霞送相壽山靈倘許得重探

劔水館道中次文峯韻二首

許國常思瘁貪程不厭賒占晴起候月戒路曉鳴笳老骨
偏憐瘦高才早患多郵亭三百里詩債日來加

莽蒼前村色微茫遠樹林那堪秋雨後又渡曉雲深楓落
吳江月霜繁楚戶砧天時漸蕭索老病日侵尋

黃州曉發次梁學官大模韻

逐歲撻從涇水橫羞將白髮又西行荷花不許徵前令槐
葉應須按舊聲夜月任經簾額下曉雲多傍馬頭生關山

千里行將老且莫臨岐唱渭城

次許太史國玉溜泉韻

葱色秀娟娟壺中闢小天巖崖自成穴瓔珞為誰懸味透
松根冽芳分菊井鮮玲瓏微有曲要眇本無絃自許傳為
澤何妨散作川窮源雖礙險到海不辭消詎識安期子高
栖方丈巔紫芝生壑谷青鶴避人烟賴有仙槎過人間水
樂傳

次許太史迴瀾石韻

牛峯騰躍乾坤裡走到平川怒蛟起天然一面劃作崖崖
下縈迴碧溪水春花秋葉倚層空錦綉離披明鏡中橫波

逐浪何足說翰林老筆專其雄風烟捲地不留東縱有一
語何曾工願陪天眼儘奇賞待看月出東南峰

黃州道中次林僉知芭韻

霜無兩鬢一時明人與征鴻共作程便腹久知經笥蕭蕭
心羞見秘書行奔忙客路山千疊蕭洒郊扉竹數莖清夢
未開王事急邇來歸計欲何成

練光亭次西厓韻西厓柳成龍號時為從事

烟間華構壓層城默坐應驚歲月更佳句早知崑玉潤高
懷孰與溟江清長天孤鳥海雲濶千里暮帆潮水生除却
寒燈悄無伴小闌終夜倚空明

百祥樓次西厓韻

聊下冷風便是梯登臨始覺鴈飛低香峯矗矗青烟出銀
海茫茫白日西三島關情山可致五雲翹首夢長迷江山
信義嚴程急又向長亭聽馬嘶

百祥樓次習齋韻習齋權摩訶時為從事

千里層空客倚樓海天無際思悠悠一年關塞凋愁鬢九
月江湖吐亂洲筋力未憊寧告病簡書猶在莫言休征騾
向暮招招急大定津頭一葉舟

納清亭次梁學官韻

殘生宿願在雲林朝士形容老衲心紅日斜時遠客至碧

溪橫處小亭深青山幾闌人來往明月應知世古今偶憇
征驂成一餉海天秋色入孤吟

留新安館主牧開宴次習齋韻

聞道將軍力拔山豈知樽俎笑談間羅紃列隊聊為陣麴
蘖成池可作關賓館笙歌宵未艾戍樓風月夢長閑何妨
磊折趨文事同遊皇朝尺一頒

雲興館道中次習齋韻

朝者玄鬢暮驚皤窮塞羈愁一倍多石階巖巖無坦道溪
聞鳴咽有寒波山顏八座霞成綺海錯登庖蟬奮戈數步
轉來尤絕勝白銀盤裡一青螺

林畔館次春卿叔韻

喜倒忽鳴咽相看官道遠殊方三作客別限五經年關塞
黃花節杯觴白髮前高歌意無極且待月侵筵

次文峯林畔館夜坐書懷韻

山何迢遠水何長數幅紬衾六尺床人自北來知力瘁日
將南至暗神傷王尊路險逢關塞季子裘穿冒雪霜齒髮
向來真耐老邇來顏鬢轉滄浪

龍灣雜興

五載重尋鴨綠江鷓鴣山蒼翠繞旗杠霜寒盡角聞三弄月
暗胡笳空幾腔榆塞暮雲迷北極海門斜日射西窓冥茫

不斷愁如織願借官厨酒一缸

次文峯曲城韻

獨卧愁邊枕聞登塞上城香銷碧樓淡天遠綺霞輕歲月
人傷老羈懷遠感情楚成鄉國夢驚斷暮江聲

觀海堂為春卿叔題

觀海堂中觀海翁形如枯木鬢如蓬蘇秦負郭今纔辨阮
籍窮途老未通黃卷獨披漁火裡白鷗相伴鏡光中秋風
慣作乘槎計不向人間著始終

奉呈景肅令公景肅崔顯序

南山分占數峯蒼西塞同趨地一方青眼不禁回阮籍紫

薇元許借君房寒潮蕩處沉殘月畫角吹時報早霜自念
年衰非矍鑠倚君詩壘重金湯

次西厓迎春堂夜吟韻

窮邊多感物惡景政凋年月暗終風夕霜寒欲曙天悠揚
蝶夢斷迢迢鴈書傳不盡關心事曹騰倚榻眠

雪夜統軍亭次西厓韻

登臨碧落浩忘歸飄拂危梯一振衣萬里銀寰通大地三
邊玉壘打長圍雲橫遼薊江天杳日迫崦嵫野迺微坐想
蓬瀛知不遠月中仙侶倘無違

次梁學官病中偶吟韻

潛夫身世海翁流
強說多愁亦不愁
雅韻最看楓岳記
歸心常傍夢川樓
臨江信宿潮驚枕
倚柱狂吟雪打裘
消得一千官道路
盡輸烟景八毫頭

景巖聞諸公登統軍亭有作日用其韻

節序悠悠意暗驚
雲陰漠漠雪初晴
平分客路蕭條景
獨作衰翁老大情
白髮千莖朝自長
丹心一寸夜增明
邇來腰帶寬如許
不是吟詩太瘦生

次梁學官病裡聞三學士雪後登統軍亭進呈之韻

聞君同上斗牛邊
忘却華譙二鼓傳
天外風流當雪月
坐中冠蓋集神仙
江橫漢畧長鋪練
雲傍胡山正繹綿
明日

塵沙走官道瑤臺蹤迹屬茲筵

題梁學官金剛山錄後

身外浮名夢裡身相將羈絆沒紅塵隨波苦海空傷老記
迹仙山正值春寒雨燒香非俗韻碧巖敲火是真人長懷
叢桂無歸日擊節高吟字字珍

次權從事宿安城館用前韻

少歲羈遊一夢空交情最荷主人公庭闈苦愛西山日環
珮猶鳴北闕風老境光陰隨過鳥熏泉消息斷來鴻神仙
可問傷頭白蓬島迢迢弱水東

次鄭從事劔水道中韻

倦馭叱還策亂山高復低夢闌金翡翠愁散玉東西聽角
三聲早看雲五色迷興亡過故堞風俗問遺黎

大同江舟中之席而見學士以忌不祭有懷

朝發齊安館暮歷栽松坡遙天夕日下落葉寒江波英英
平壤伯駐節江北涯樽中貯美酒帳下藏纖歌老子苦無
情一酌衰顏醺美人在南國踵我來西門談素抱貞白泥
塗珠翠繁贈我瓊琚佩唱我江南春咫尺隔千里懷哉誰
與親青鳥不飛來悵然秋夜晨

肅川蓮堂

肅寧古館東小堂臨池起枯荷映衰柳寥落寒塘水憶昔

稅蕤駘荒苔步遺址今來煥然新倚闌噴清泚為問創者
誰爭言玉川子存亡三過門廢興一彈指老我有何意但
覺有佳致耽看白衣雲度此明鏡裡落日淡山椒寒林宿
鳥止品題自有人留待皇華使

次柳從事安州新院道中韻二首

王事驅馳客路長海雲邊鴈思茫茫江山却解淹吾駕萬
景樓中又夕陽

老人無夢夜偏長輦下歸心正渺茫最憶郊扉掩寒竹小
簷何日負朝陽

次鄭從事登曉星嶺韻

披搗層雲出半霄心存叱馭敢辭勞昇天入地相看遠歷
井捫參所履高行蓋避回新日御冷風吹起舊宮袍居然
一語天應聽笑殺寒禽到九臯

登曉星嶺

昨經安市鎮今度曉星山歷險心彌小臨危道益艱鬢髮
新白髮凋落舊朱顏為問諸君子何如蜀劍關

納清亭

累尋嘉興界重到納清亭揚柳秋容淡溪山舊眼青鳥飛
驚使節松老韻滄溟萬里身南北真如水上萍

疊前韻荅子中吟契并奉諸寮長二首

客路侵窮塞郵驛透亂山衰羸非少壯歲月飽辛艱
霜添鬢潮紅酒借顏吾行不牢落向夜月臨關

昨日仍來日長亭復短亭水涵僧眼碧山擁馬頭青
寶劍衝南斗遊鯤出北溟君詩有餘味勝食楚王萍

次推從事新安館聞詔使過山海關韻

啣得綸書下道山遙知紫氣滿空間霓旌想度三叉水
玉節聞過百二關鸞鳳差池連日轂驂騶騰踏出天閑
東入拭目迎新慶萬曆爭看第一頒

無題二首

真時疑夢夢疑真此理憑誰細得詢合處似離離似合天

公真是有情人

世間辭說本紛紛夢裡非真況得分十二金屏秋夜曉在
教人訝楚天雲上屬而見下屬老夫一笑

新安遇雨疊前韻奉三仙寮契

踏盡千山與萬山行旌又指亂雲間
箋天欲借風如帚脂轄今為雨所關
客裡未妨隨處住此中猶得暫時閒
車輕霑服何須惜人道天邊霈澤頒

次鄭從事宿林畔館韻

飲冰都下緣王事稅駕天邊生晚愁
北望空看周道五南烹剛厭楚人休
魂迷九闕稀青鳥迹近三江愧白鷗
六載

萍踪今再到故園歸計八搔頭

次權從事車輦蟠松韻

幹欲龍盤蔭欲圓星霜消盡古途邊
霜寒山館三秋月聲雜飛流百道泉
青鶴不來枝自老白雲時宿態增妍
竒材偶保天年壽為有撓訶學士篇

次鄭從事車輦道中韻

頽陰環合擁斜曛千里羈愁正糾紛
三界登臨非故國四時流轉感平分
心懷鳳閣看天象劍入龍泉拂斗文
王事關情日靡盬敢言行路最辛勤

次權從事宿良策館疊前韻

清茶夜驅睡一甌風味勝千缸

依前韻奉子中無報大手而見蓋五疊二首

胡山落日倒三江烟樹森森亂東杠海迫寒潮元有信
殘哀調不成腔愁邊夜夢飛天闕靜裡香烟繞客窓痛飲
向來非我事衰年直欲釐深缸

歸夢遙遙到漢江帆檣簇簇立如杠津頭鷄唱迎初日烟
外漁歌認舊腔萬里羈遊來絕域一年搖落度虛窓何時
擺脫塵鞿了細問山妻酒潑缸

次權太手龍灣客館書懷韻

羨殺車輿謝轡銜殘年驅馬歷嶢品夷蠻到處皆漸化荒

舜如今正聖讒王氏與刑新有獻阮家風致最憐咸江湖
生月元多感望燕雲思莫絨

十月初一日乃而見初度小酌龍灣館有懷

天涯佳節遇君生湯餅同然酌賀觥
高管半依羌笛引纖歌時雜塞鴻聲
寒生夕吹江揚浪淡入平蕪日隱城
欲奏感君思一曲夜闌頻見燭花橫

次而見遊西城用韋詩莊嚴精舍韻

三邊亮夏交一邦西北隅時序忽已晚
白日低天衢心將道否泰迹與雲卷舒
誰知老子抱軒豁彌蒙區我思古之人
貌癯心眼殊川長不可越欲徃衣露濡
聞道飛霞佩上人

界日康娛目斷碧雲高懷我誰與俱

次而見又用韋詩西郊遊矚韻

病枕守屏帷扁舟孤鴨綠誰教王署仙來著蠻江曲君心
出壑冰我材山中木相對兩忘言新詩且相屬

復次

相如素多病尚愛遠山綠遠山有何情愁腸繞琴曲佳景

比佳人先生非石木不如外聲色清心道所屬

公以疏景
得病又不

能忘情於山
水故戲之

次前韻

青海無塵隴樹蒼登臨塞候靜三方雲間龍馭初昇震日

下甕旌暫去房翰苑文章詩作史給家風節口含霜
皇
至處寒威共道陽和煖似湯

復次

太似田已兀老蒼晚來學道空迷方持身有愧孟公綽勇
退不如張子房關河千里繞歸夢邊塞十月憂繁霜官厨
爛飯強求飽一碗呼鷄粟湯

疊前韻奉延慰使令前兼達問禮官

寒天短景暮烟蒼旅館攻愁有底方風捲松杉成海浪夜
挑燈火擬山房鄉園八望雲迷月王事關心髻著霜多病
未能全省事竹爐閑沸舊麥湯

次大手聞詔使到鳳凰城復用聞過關韻

颼輪飛過萬重山人在盈盈一水間
絳節久稽滄海岸銀蟾新度玉門關
丹山舊彩爭將靚青鎖歸心定未閒
誰識藩邦牛馬走白頭翹望紫泥頒

次而見對雪復用前韻

皤然變盡衆峯蒼恠殺頑雲冒四方
乍聽蕭疎輕墮砌不知凌亂巧穿房
江天誰放今宵月瓦屋重埋昨夜霜
已覺愁城堅似鐵急須同浸太和湯

次而見迎春堂有懷次李東陽韻

參賓館下書帷掩卷沉思記往時
燈燼消紅寒氣透

窓無白曉光遲馮驩撫缺三分倦墨翟看絲一倍悲却憶
廬新得雪陽閑掛舊疎籬

次大手迎春堂病起韻

欣聞勿藥不論餘壘壘佳篇摠起予夜冷何須頻刻燭江
寒猶可共叉魚風沙漠北饒新夢水竹城南戀舊居何日
粗酬身事了見君騎馬到階除

義順館待詔密雲效演雅體

禽鳥休飛雪意凝烏雲不動鬱陵嶒鵲黃義味知誰釀鴨
綠清波化作水鳳闕漸遙魂耿耿鸞書將至意兢兢中廊
默禱真微蟻坐待金鴉拂羽昇

良策館戲吟奉習齋先生二首

皇華揮淚鴨江東
薊樹遼雲意不窮
又聽龍灣桃葉曲
白頭搔盡向西風

郵亭虛幌倍淒涼
底事驚衾興已央
願把今年三十夜
續成良策一宵長

寄柳學士而見

金鑾學士是仙曹
謝病天香尚在袍
瘡鬼已憑文字遣
詩魂應向道途豪
雲迷烏嶺鄉音斷
秋盡龍灣塞月高
行止向來皆有定
不妨隨處酌芳醪

林道稿上







稿遺塘林 乾